

Reolennaoueg diabarzh



Lise Diwan Karaez

Pgz : 02 98 99 36 73

Postel : lise.diwan@orange.fr

Skrid kemmet gant Kuzul Merañ an 29 a viz Even 2019

Daveoù Lezennel

— Emglevioù etrevroadel sinet, danvezioù ar Vonreizh, al Lezennoù hag ar Reolennoù o talvezout

— Kod an Deskadurezh :

— Mellad L 141-5-1

— Melladoù L 401-2 et R 421-5

— Melladoù L 511-1 betek 4, R 511-1/-2, D 511-3 à -5 et R 511-6 à -11

— Melladoù R 511-12 betek -58 (hanren kenurzhel)

— Dekred n^o 2006-935 ar 26 a viz Gouere 2006

— Dekred n^o 2006-1386 ar 15 a viz Du 2006 ha Kelc'h-Lizher n^o 2006-196 an 29 a viz Du 2006

— Dekred n^o 2011-728 ar 24 a viz Even 2011

— Dekred n^o 2011-729 ar 24 a viz Even 2011

- Kelc'h-Lizher n^o 96-248 kemmet d'ar 25 a viz Here 1996
- Kelc'h-Lizher n^o 2000-105 an 11 a viz Gouere 2000, renevesaet dre ar C'Helc'h-Lizher n^o 2004-176 eus an 19 a viz Here 2004
- Kelc'h-Lizher n^o 2000-106 an 11a viz Gouere 2000
- Kelc'h-Lizher n^o 2004-035 an 18 a viz C'Hwevrer 2004
- Kelc'h-Lizher n^o 2004-054 an 23 a viz Meurzh 2004
- Kelc'h-Lizher n^o 2004-176 an 19 a viz Here 2004
- Kelc'h-Lizher n^o 2009-068 an 20 a viz Mae 2009
- Kelc'h-Lizher n^o 2011-111 ar 1^{añ} a viz Eost 2011
- Kelc'h-Lizher n^o 2011-112 ar 1^{añ} a viz Eost 2011

Taolenn

Daveoù Lezennel	i
1 Raklavar	1
1.1	Pennreolennoù hollek 1
1.2	Doujañs ouzh an dud hag ouzh ar madoù 1
2 Reolennoù bevañ el Lise	3
2.1 Aozadur ha Mont en-dro	3
2.1.1	Eurioù 3
2.1.2	Implij al lec'hioù 4
2.1.3	Oberiantizoù diavaez d'al Lise 5
2.1.4	Mont ha Dont 5
2.2 Aozadur ar C'Has En-Dro hag ar studioù	5
2.2.1	Mont 'maez al Lise 5
2.2.2	Heuliañ ar c'hentelioù 6
2.2.3	Ezvezañsoù Daleoù 6
2.2.4	. 6
2.2.5	Ezvezañs pe dale ur (g)c'helenner-ez 7
2.2.6	Dispañs E-K 7
2.2.7	Deverioù 7
2.2.8	Rakdeizadur ar prouadoù 8
2.2.9	Kannadig an notennoù 8
2.2.10	0 Mont en-dro al Levraoueg 8
2.3 Ar surentez	8
2.3.1	Reolennoù hollek 8
2.3.2	Klañvdi-Louzeier 9
2.3.3	Gwall-Dan 9
2.3.4	Mont ha Dont ar c'hirri(-)dre dan 9
2.3.5	Surentez er c'hentelioù 10
2.3.6	Dafar kollet 10
2.3.7	Laeroñsi 10
3 Gwirioù ha redioù al liseidi ha liseadezed	11
3.1 Gwir da lavaret	
3.1.1	Skritellañ 11
3.1.2	Gwir embann 11
3.1.3	Gwir en em vodañ 12
3.1.4	Gwir en em gevredañ 12
3.2 Redioù	12
3.2.1	Redi da heuliañ ar c'hentelioù 12
3.2.2	Doujañs d'ar re all ha d'an endro 12
3.2.3	Redi da vezañ nann-feuls 13

4	Reizh lezenn	14
4.1	Listenn ar c'hastizoù hag an eurioù dalc'h	15
4.1.1	Listenn ar c'hastizoù	15
4.1.2	Listenn an eurioù-dalc'h	15
4.1.3	Skarzhet eus ur gentel	16
4.1.4	Doareoù kalonekaat	16
4.2	Doareoù all da ambrougiñ.	16
4.2.1	Ar C'Huzul Kuzuliañ ledanaet	16
4.2.2	Renabl ar c'hastizoù	16
4.2.3	Doser melestradurezhel al lisead (ez)	17
4.3	Bodad ha doareoù ar reizh Lezenn	17
4.3.1	Ar Rener.ez	17
4.3.2	Ar C'Huzul Reoliañ	17
4.3.3	An doare da sevel galv Disklib etre reizh lezenn diabarzh ha	18
4.3.4	doareoù ar justis diavaez	18
5	Darempred gant ar familhoù	19
6	Degouezhioù dibar	21
6.1	Ma c'hoarvez tra pe dra en diavaez d'al Lise	21
6.2	Ma c'hoarvez e teufe tud diavaez d'al Lise	21

1- Raklavar

ar brezhoneg : hor yezh

E-touez palioù pedagogel Diwan e tisklerier ez eo ar brezhoneg yezh al Lise. Al liseidi ha liseadezed, kerkoulz hag an implijidi, a rank implij ar brezhoneg kenetrezo hag e kement lec'h' zo. C'Hwi an hini eo ho peus kemeret an diviz da zont da echuiñ ho studioù eil derez e Lise Diwan Karaez ha da vevañ ennañ e brezhoneg.

1.
1

Pennreolennoù hollek

Pal an destenn-mañ a zo ezteurel ar reolennoù a rank bezañ doujet dezho evit ma vefe a-unvouezh gant an holl ar vuhez a-gevret e diabarzh al Lise.

Ar reolennaoueg a zo diazezet war talvoudoù ha pennsturioù a zo da vezañ doujet dezho gant kement hini : al labour, an aked hag ar rikded, an dever a habaskter hag an doujañs da eben pe egile en (h)e (f)bersonelezh hag en (h)e (c'h)gendrec'hidigezhioù, an ingalded evit ma vefe kehid ha kehid ar chañsoù etre paotred ha merc'hed, ar gwarez evit diwall na vefe feulster ebet, na psikologel, na fizikel na moral hag ar redi evit pep hini d'ober hep feulster.

An doujañs kendleet etre tud gour ha liseidi- liseadezed hag etre ar re-mañ kenetrezo o-unan a zo un diazez eus ar vuhez a-stroll el Lise.

Ar reolennaoueg diabarzh a zo kemennet da gement ezel eus kumuniezh al Lise.

Doujañ d'ar reolennaoueg a ranker evit lakaat e(hec'h) anv d'ober (h)e studioù el Lise .

1.
2

Doujañs d'an dud ha d'ar madoù

Kement diouer a zoujañs, kement feulster ha kement emzalc'h dizereat a zo difennet hag a vo kastizet.

Kumuniezh al Lise a zo gwarant evit diwall na vefe taget en un doare feuls (ez fizikel, psikologel pe moral) kement hini eus hec'h izili. Nac'h a ra implij ar feulster e kement stumm ha degouezh a zo.

Al liseidi hag al liseadezed a rank doujañ d'al lec'hioù ha d'an dafar a zo fiziet enno evit o skoazellañ. Kement distruj a youl vat a ranko dre ret bezañ adkempennet. Ur c'hastiz a vezo hag an hini kiriek pe ar re e karg anezhañ(i) a ranko digoll al Lise eus ar frejoù engouestlet.

Ar reolennaoueg-mañ a dalv e kement lec'h e diabarzh al Lise hag ivez war e dro-war-dro. E mod ebet ne vo kavet en ennañ roud eus kement degouezh a c'hellfe c'hoarvezout. Diouzh an ezhomm e vo cheñchet pe ouzhpennet traoù en ennañ.

2 Reolennoù bevañ el Lise

2.1 Aozadur ha Mont en-dro

2.1.1 Eurioù

Al Lise a zo digor adal 9 eur vintin diouzh al Lun betek 5 eur goude merenn diouzh ar Gwener.

Serret e vez Sadorn ha Sul ha d'an devezhioù gouel. Ar Sekretourva a chom digor e-pad an ehanoù-skol (vakañsoù kreiz ar bloavezh-skol ha reoù an hañv (nemet 15teziad kentañ miz Eost)

Ar mare etre pep kentel a servij ivez da cheñch sal. Goude pep kentel ha da vare an ehan etre 2 brantad en ur gentel 2 eurvezh pe ouzhpenn zoken, ha ma ne chom ket er sal, ar (g)c'helenner(ez) a brenn ar sal ha ne c'hell chom den e-barzh e keit-se.

2.1.2 Implij al lec'hioù

Digor e c'hell bezañ ar salioù pa vez digor al Lise. Ar re a zo ouzh o implij a rank avat teurel evezh eus an dafar a zo en enno ha kas keloù eus kement tra a c'hoarvezfe er c'heñver-se d'ar bennkasourien (ezed) e burev ar C'Has En-Dro.

Al liseidi (eadezed) a za diouto o-unan dirak o salioù labour evel ma 'z eont ivez o-unan betek ar salioù Embregerezh-Korf diavaez al Lise.

Implij ar pellgomzer hezoug ha kement sonskigner a zo difennet groñs e kement savadur a zo ha tro-war-dro d'ar savadurioù kelenn (nemet er c'houkvaou hag en oalet gant selaouelloù ha war ar porzh (letonennoù e-lec'h ma 'z eus taolioù ha bankoù, gant ma ne zirenkint ket) . Ar pellgomzer hezoug ha kement sonskigner a dle bezañ lazhet ha diwar wel e-pad ar c'hentelioù (renket pe er sac'h pe en ur c'hodell bennak). Ar re a vo gwelet pe a rafe trouz el lec'hioù difennet, a vo rastellet gant izili ar C'Has En-Dro ha dalc'het gant ar bennkasourien (ezed). Kelaouet'vo kerkent an dud e-karg. Ne vint rentet nemet goude kentel ziwezhañ ar Gwener. Ma c'hoarvezfe un eil gwech ne vint rentet nemet d'an dud e-karg pa vint gwelet.

N'eus forzh peseurt lec'h a vefe implijet e ranker derc'hel al lec'h ken naet hag evedo hag e ranker doujañ d'ar reolennoù stag outañ e-keñver surentez. Kement hini na zoujfe ket d'ar reolenn-se a c'hellfe bezañ lakaet da gempenn al lec'h ha kement-se en tu all d'ar servij kempenn pemdeziek a c'hellfe kaout da ober e mod all dija.

Embann ha skritellañ ne c'hell bezañ graet nemet diwar rak-kenemglev (dre skrid*) gant renerezh al Lise hag hepken el lec'hioù gouestlet da se (dre skrid* = siellet gant « Lise Diwan » warno gant ar bennkasourien) nemet war ar panneloù a gemennadennoù dieub raktreset evit-se.

Tresañ pe skrivañ ouzh ar mogerioù koulz ha war an arreubeuri a zo evidomp-ni distruj a youl vat. N'omp ket perc'henn war al lec'h (ha pa vefemp..) : feurmiñ a reomp hag e rankomp reiñ en-dro al lec'h evel ma 'vedo da gregiñ ha kement-se : bep bloaz.

2.1.3 Oberiantizoù diavaez d'al Lise

E-doug o oberiantizoù skol e c'hell al liseidi, liseadezed, kaout tro da vont er-maez al Lise, hervez raktresoù o c'helennerien(ezed), gant asant ar renerezh.

E keit-se e chom al liseidi, liseadezed, dindan kiriegezh al Lise. Bez o deus eta da zoujañ ouzh kement reolenn stag ouzh o skoliatañ hag evel just ouzh ar reolennaoueg diabarzh. (abegoù hag aotreoù mont er-maez al Lise)

2.1.4 Mont ha Dont

Bez e c'hellont kaout da vont war vale da lec'hioù'zo, adal al Lise, gant ma 'z int war-eeun betek al lec'h m'o deus da vont ha gant ma teuint en-dro war-eeun ivez betek al Lise (da skouer, ar salioù EK, ar poull-neuial, salioù gouel Glenmor, Koc'hu Karaez, Ti-Ker Karaez,...)

Ar monedona-se ne vezont ket atav dindan kiriegezh al Lise, pa vezont graet a-stroll zoken, pep lisead(ez) o vezañ kiriek eus (h)e emzalc'h.

Dre-vras e rank kement mont ha dont er-maez al Lise, e-pad an amzer-skol, a-hinienn pe a-stroll, evit ezhommoù liammet ouzh ar skoliatañ (enklaskoù, kentelioù EK,..) pe ouzh ar C'Has En-Dro, bezañ bet aotreet gant ar Renerezh hag a wirio hag-eñ eo bet kemeret an doareoù da wareziñ surentez al liseidi(eadezed).

E ken kas e c'hoarvezfe tra pe dra war an hent, ha dreist-holl ma 'z eo mallus, e vo galvet ar sikourioù war-eeun gant al liseidi(eadezed) (en ur gervel ar 15 pe ar 112) ha kerkent all ar bennkasourien el Lise (02 98 99 36 73) pe war o fellgomzer hezoug diouzh an hini a zo e-karg (sellout ouzh fichenn bloaz an implijidi melestradurezhel).

2.
2

Aozadur ar C'Has En-Dro hag ar studioù

2.2.1 Mont 'maez al Lise

Al Liseidi hag al Liseadezed Kentañ Klas ha Klas Termen a c'hell mont er-maez al Lise bemdez goude o c'hentel ziwezhañ goude merenn, gant m'o deus aotre o zud. Bez e tleont bezañ deuet en-dro d'al Lise evit ar pred noz (da 7 eur ha kard d'an diwezatañ) er sal-debriñ (6^e 30 noz d'an diwezatañ evit ar re Kentañ Klas a zo gant ur studi-ret).

Kerent al liseidi, liseadezed n'int ket c'hoazh en oad deuet, a rank, ma nac'hont reiñ o aotre, kas d'al Lise ul lizher evit nac'h kement mont er-maez a seurt-se.

Al Liseidi ha Liseadezed Eilvet Klas :

E miz Gwengolo : Al liseidi, Liseadezed Eilvet Klas ne guitaont ket al Lise 'n holl e-pad ar sizhun, nemet e vefe un abadenn aozet evito en diavaez.

Adal miz Here : Diwar aotre (paperenn da zegas sinet e penn kentañ ar bloavezh) e c'hell al Liseidi, Liseadezed Eilvet Klas mont er-maez al Lise un abardaevezh bep sizhun diouzh ar Merc'her, goude ar c'hentelioù etre 4e20 ha 6e25, gant ma vo sinet gant o zud ha gant ma vo a-du ar bennkasourien, hervez ha diouzh an emzalc'h bet. Galv a vez graet er studi-ret bep Merc'her da 6^e 30 rik, a-hed ar bloaz.

An aotreoù dreistordinal en Eilvet Klas, Kentañ Klas ha Klas Termen

Evit meur a abeg, e c'hell al liseidi hag al liseadezed kaout c'hoant da vont er-maez al Lise ha da c'houlenn evit-se un aotre dreistordinal : evit kentelioù noz e kêr (aotre bleniañ, sonerezh, sportoù, dañs,...) pe evit emgavioù yec'hed (medisin, kine, dantour,...) pe evit oberiantizoù goude ar c'hentelioù (sportoù, poull-neuial, sine). Ret eo dezho eta kaout un aotre dreistordinal da vezañ degaset d'ar bennkasourien **diouzh al Lun vintin, eizhtez a-raok**, war ar baperenn rekis o venegiñ an abeg, an devezh pe an devezhioù ma pad meur a sizhunvezh war ar bloaz, an eur mont kuit hag an eur da zistreiñ.

Pep familh a ziviz reiñ pe non pas reiñ an aotreoù dreistordinal-se met, evel evit an aotreoù boas, e rank bezañ dalc'het kont eus ali ar bennkasourien.

Ur redi eo evit an diabarzhidi kemer o fredoù er sal-debriñ. Galv a vez graet da bep pred (mintin, kreisteiz ha noz) er sal-debriñ.

2.2.2 Heuliañ ar c'hentelioù

Bezañ o kemer perzh e kement kentel a zo war an Implij-Amzer a zo ur redi evit kement lisead(ez) a zo. Kentelioù ouzhpenn a c'hell bezañ ouzhpennet war IA ul lisead(ez) hag un dra ret eo kemer perzh en enno ivez.

Evit ma vo graet diouzh an aesañ evit heuliañ an dioueroù d'an akedusted, Servij ar C'Has En-Dro a sell ouzh ar galv er c'hlas bep mintin ha bep abardaez. Kelaouet e vo eta dre SMS, kerent pe tud e karg kement lisead(ez) a vo ezvezant en ur gentel bennak. Hag al lisead(ez) a ranko kerkent ha bet an SMS dont d'en em zisplegañ a-raok mont en-dro d'ur gentel.

Ar redi da heuliañ ar c'hentelioù

Mellad R511-11

Krouet dre z- Dekred Nenn 2009-553 ar 15 a viz Mae 2009

Ar redi da heuliañ ar c'hentelioù meneget er Mellad L.511-1 a dalv, evit al Liseidi hag al Liseadezed, ar redi da vezañ er c'hentelioù d'an eurioù meneget war o Implij-Amzer. Ur redi ez eo koulz evit ar c'hentelioù ret met ivez evit ar re ziret e-lec'h ma 'z int bet enskrivet.

Al liseidi hag al liseadezed a rank ivez ober an holl deverioù a vez goulennet diganto gant o c'helennerien (ezed), doujañ d'o frogrammoù ha kemer perzh er prouadoù a vezont lakaet da dremen ganto.

Al liseidi hag al Liseadezed ne c'hellont ket nac'h an dielfennadurioù yec'hed a vez aozet evito.

2.2.3 Ezvezañsoù

Ar c'helenner pe ar gelenner a zo kiriek bep eur eus bezañs pe ezvezañs al liseidi hag al liseadezed er c'hlas. Ar gerent pe ar re e-karg a rank kas keloù evit kement ezvezañs raktreset dre bostel pe dre bellgomz a-raok an devezh raktreset, pe d'an nebeutañ an devezh ma c'hoarvez ha goude-se kadarnaat abeg an ezvezañs dre skrid.

Al Liseidi hag al Liseadezed deuet en oad a c'hell abegiñ o-unan o ezvezañsoù. O zud pe ar re e-karg a vez kelaouet gant al Lise eus an ezvezañsoù.

Goude un ezvezañs, ha n'eus forzh an abeg anezhañ, al lisead(ez) a rank dont betek Burev ar C'Has En-Dro a-raok mont d'(h)e (c'h)gentel gentañ ha reiñ ar baperenn oc'h abegiñ (h)e ezvezañs. Roet e vo dezhañ (i) un aotre da vont d'(h)e (c'h)gentel.

Kelaouiñ a ranker ar C'Has En-Dro evit kement ezvezañs raktreset.

An ezvezañsoù diabeg a vez renablet ha kastizet. Hervez al lezenn, diouzh an niver anezho e rank al Lise kelaouiñ Ensellerezh an Akademiezh.

An akedusted er c'hentelioù a zo ivez ul lodenn eus ar priziañ.

Ar c'hentelioù DKS a vez graet peurliesañ en diavaez ha gwirikaet e vez bezañs pep hini war al lec'h. Ar c'helenner pe ar gelenner a ro da anaout al listenn eus ar re a vank d'ar C'Has En-Dro dre bostel pe dre bellgomz.

Bez e rank al Liseidi hag al Liseadezed bezañ e koulz war al lec'h e deroù ar gentel DKS, dreist-holl da 8 e ha da 1eur hanter gm.

2.2.3 Ezvezañsoù

Ar c'helenner pe ar gelenner a zo atebek bep eur eus bezañs pe ezvezañs al liseidi hag al liseadezed er c'hlas. Ar gerent pe ar re e-karg a rank kas keloù evit kement ezvezañs raktreset dre bostel pe dre bellgomz a-raok an devezh raktreset, pe d'an nebeutañ an devezh ma c'hoarvez ha goude-se kadarnaat abeg an ezvezañs dre skrid.

Al Liseidi hag al Liseadezed deuet en oad a c'hell abegiñ o-unan o ezvezañsoù. O zud pe ar re e-karg a vez kelaouet gant al Lise eus an ezvezañsoù.

Goude un ezvezañs, ha n'eus forzh an abeg anezhañ, al lisead(ez) a rank dont betek Burev ar C'Has En-Dro a-raok mont d'(h)e (c'h)gentel gentañ ha reiñ ar baperenn oc'h abegiñ (h)e ezvezañs. Roet e vo dezhañ (i) un aotre da vont d'(h)e (c'h)gentel.

Kelaouiñ a ranker ar C'Has En-Dro evit kement ezvezañs raktreset.

An ezvezañsoù diabeg a vez renablet ha kastizet. Hervez al lezenn, diouzh an niver anezho e rank al Lise kelaouiñ Ensellerezh an Akademiezh.

An akedusted er c'hentelioù a zo ivez ul lodenn eus ar priziañ.

Ar c'hentelioù DKS a vez graet peurliesañ en diavaez ha gwiriekaet e vez bezañs pep hini war al lec'h. Ar c'helenner pe ar gelenner DKS a ro da anaout al listenn eus ar re a vank d'ar C'Has En-Dro dre bostel pe dre bellgomz.

Bez e rank al Liseidi hag al Liseadezed bezañ e koulz war al lec'h e deroù ar gentel DKS, dreist-holl da 8 e ha da 1eur hanter gm.

2.2.4 Daleoù

Al Liseidi hag al Liseadezed a rank bezañ e koulz er c'hentelioù.

Pa vez dale gant ul lisead pe ul liseadez e rank mont betek burev ar C'Has En-Dro e-lec'h ma vo roet dezhañ un aotre da vont d'ar gentel.

An dale a c'hell bezañ digarezet ma chom dizordinal. Kastiz a vezo ma c'hoarvez en-dro.

Al Liseidi ha Liseadezed ouzhpenn 10 mn dale ganto a chom da studiañ el levraoueg ha ne c'hellint distreiñ d'ar gentel nemet d'an eurvezh war-lerc'h.

Ar C'Has En-Dro eo a ziviz pa vez darvoudoù dizordinal, da skouer pa vez kentelioù a bad 2 eurvezh pe ouzhpenn.

2.2.5 Ezvezañs pe dale ur (g)c'helenner-ez

Embannet e vez war un daolenn e-kichen ar sekretourva kement ezvezañs raktreset evit ar gelennerien (ezed). Pa vo tu e vo aozet erlec'hiadennoù pe cheñchamantoù implij-amzer. Al liseidi n'int dieubet nemet ma ne vez kavet diskoulm all ebet.

Pa vez ezvezant ur c'helenner pe ur gelenner en un doare dic'hortoz pe pa c'hoarvezfe da unan kaout dale, al Liseidi hag al Liseadezed hag a zo ouzh (h)e (c'h) e gortoz dirak dor ar sal klas, a rank dont kerkent da glask keleier da vurev ar C'Has En-Dro.

2.2.6 Dispañs E-K

Pa c'hoarvez en (he) defe un dispañs EK, evit bloaz pe evit ur mare e-pad ar bloaz, al lisead(ez) a rank degas un testeni bet digant ur medisin, d'ar C'Has En-Dro ha d'ar (g)c'helenner(ez) DKS. Pa vezer ehanet evit ouzhpenn ur sizhun e ranker kaout un testeni digant ur medisin.

Pa c'hoarvez e vefe un dispañs war an trumm ha war ar sizhun, al lisead(ez) a rank mont da gelaouiñ (h)e (c'h)gelenner(ez) DKS ha goude-se ar C'Has En-Dro. Nemet ampechet e vefe ha ne c'hellfe ket mont, al lisead(ez) a za da heuliañ ar gentel hep ober al labourioù goulennet.

Ur redi eo kaout dilhad EK. Bez e tleont bezañ klenk hag a-ratozh evit ober Embregerezh Korf.

2.2.7 Deverioù

Labour dre skrid al Liseidi hag al Liseadezed a vez priziet gant un notenn hag a c'hell mont adal 0 (al labour n'eo ket bet graet hep digarez ebet, rentet ez eus bet ur follenn wenn pe anat eo ez eus bet trucherezh) betek 20.

Evit tapout ur geidenn hag a dalvezfe un dra bennak, al Lisead(ez) a rank bezañ bet kemeret perzh en holl brouadoù.

Al Liseidi hag al Liseadezed ezvezant er prouadoù a vezo kinniget dezho un dever all war an hevelep danvez hag a ranko bezañ graet diouzh ar Merc'her goude lein etre 4^e 30 ha 6^e 30 gm, evezhiet gant ar C'Has En-Dro (sal an DK). Ma c'hoarvezfe da unan bezañ ezvezant en-dro d'an dever-se, e talvezfe evel rentañ ur follenn wenn.

2.2.8 Rakdeizadur ar prouadoù

Ur rakdeizadur a vez savet bep bloaz. Er mod-se e c'hell bezañ kempouezetoc'h an trimiziadoù hag ar c'hwec'hmiziadoù ha kendonietoc'h al labour ret evit ar prouadoù.

Kinnig a ra ivez un aozadur dre-vras eus ar bloavezh-skol gant an holl emvodoù ha darvoudoù a gaver en ennañ.

2.2.9 Kannadig an notennoù

Ur c'hannadig notennoù a vez kaset d'ar familhoù bep tri miz goude ar C'Huzul-Klas hag un diverrañ eus an notennoù bep hanter-trimiziad. Bep tro e vez ivez ur renabl a-fet emzalc'h gant ar C'Has En-Dro.

2.2.10 Mont en-dro al Levraoueg

Al Levraoueg a vez digor bemdez diouzh an eurioù embannet ha skritellet.

2.3

Ar surentez

2.3.1

Reolennoù hollek

Difennet groñs eo :

- butuniñ pe sachañ war ur c'horn-butun pe aezhenn a bep seurt, e diabarzh al Lise, hag a zo ul lec'h hep butun hag hep butunerien. Ar reolenn-se, diouzh lezenn, a rank doujañ dezhi kement den el Lise : implijidi(adezed), kelennerien (ezed), Liseidi(adezed), stajidi (adezed), ha kement hini a zeu d'al Lise.
- degas e diabarzh al Lise, kement benveg, kement danvez pe dafar a c'hellfe bezañ dañjerus evitañ e-unan pe evit ar re all el Lise.
- degas kement evaj gant alkohol, kement dram ha kement dafar a c'hell servij d'en em vezviañ pe d'en em zrammañ evel « bang » pe « bong » (listenn diechu..)

Kement lisead(ez) kavet abafet, pe vije diwar alkohol pe diwar zramm a vez kaset en-dro raktal d'ar gêr. (H)e familh a rank dont d'(h)e (c'h)gerc'hat kerkent ha kelaouet.

Difennet eo ivez tufal el Lise, ha derbiñ hag evañ e-pad ar c'hentelioù.

2.3.2

Klañvdi-Louzeier

An holl Liseidi(eadezed) a rank bezañ degaset en-dro un doser yec'hed leuniet a-raok dont d'al Lise.

Kement lisead(ez) klañvaet pe paket ur fallaenn gantañ (i) a vo kaset gant (h)e genseurte(ezed) da vurev ar C'Has En-Dro pe e vo galvet ar bennkasourien(ezed) war al lec'h.

Ar sikourioù kentañ a vo roet gant ar bennkasourien(ezed). Ar familh a vez kelaouet kerkent hag hervez an ezhomm e vo galvet ar servijoù mallus (15 pe 112) pe kaset war-eeun gant ur (b)pennkasour da servijoù mallus PennOspital Karaez. Ma vez un emgav e ti ur medisin bennak e vezo kaset ha degaset en-dro al lisead(ez) gant un taksi hag ar familh a resevo un notenn o terc'hel kont eus ar frejoù mezeg, an taksi hag al louzeier. Ar frejoù-se a vo ouzhpennet d'ar frejoù miziek evit ar bod ha boued.

Al Liseidi(adezed) n'o deus ket da gaout louzeier warno (nemet o defe ur Raktres Degemer Hiniennelaet savet gant ur medisin-skol hag a lavarfe ar penaoz ober pa 'z eus doareoù pareañ da lakaat da vont en-dro war an trumm, pe pa vez ul louzaouiñ diazez ha padus da lakaat da vont en-dro).

E mod all, pa rank al lisead(ez) kemer louzeier e-pad (h)e amzer skoliatañ, al louzeier a vez roet d'ar bennkasourien(ezed) d'al Lun vintin gant un eilskrid eus ordrenañs ar medisin hag e vezont adpaket diouzh ar Gwener da gas d'ar gêr. Ar bennkasourien eo a zo e-karg da reiñ al louzeier diwar goulenn al Lisead(ez).

Diouzh an ezhomm ha diwar goulenn e c'hell skipailh ar C'Has En-Dro reiñ louzeier (a-enep ar boan dreist-holl). Ha nemet merket e vefe ar c'hontrol war an doser yec'hed.

Kerkent hag e c'hoarvezfe dezhañ(i) kaout ur gwallzarvoud, hep kalz a zroug (lamm, riskladenn, taol, troc'h, devadenn pe losk gant un dourenn drenk) zoken, e rank al lisead(ez) kelaouiñ diouzhtu unan bennak eus ar skipailh Kas En-Dro evit ma ne zafe ket war washaat hag evit ma vo tu da glask ar gwellañ doare d'ober war-dro.

E ken kaz e vefe ret dezhañ (i) mont betek ar servijoù mallus, ul lisead(ez) a vo kaset gant ur (b)pennkasour(ez) hag a raio war-dro an doser degemer er PennOspital hag a zaio d'(h)e (c'h)gerc'hat en-dro pa vo ezhomm.

2.3.3

Gwall-Dan

Kement den hag a zo o vevañ el Lise a rank gouzout petra ober e ken kas ma vefe gwall-dan hag a rank doujañ d'ar sturioù e-keñver surentez. Nemet e vefe ret hen ober, ez eo difennet groñs c'hoari gant ar sistemoù surentez. Kastizoù a vefe evit kement-se.

Pa vez Galv-tan, e rank an holl (liseidi(adezed) kelennerien (ezed), implijidi(adezed) mont kerkent betek ar banell bodañ da c'hortoz urzhioù.

2.3.4

Mont ha Dont ar c'hirri dre dan

2.3.5

Surentez er c'hentelioù

Evit lod eus ar c'hentelioù e rank al liseidi(adezed) dougen dilhad klek. Dougen ur sae a ranker pa gavo ar (g)c'helenner(ez) eo ret hen ober (kentelioù kimiezh ha biologiezh el labourva da skouer)

2.3.6

Dafar kollet

Melestradurezh al Lise n'eo kiriek e mod ebet eus an arc'hant kodell pe eus an dafarioù personel a vez gant al Liseidi(adezed). Pep hini a zo kiriek eus (h)e aferioù personel. A-benn diarbenniñ war gement-se e aliomp groñs da bep hini non pas degas madoù a dalvoudegezh vras. Ha pa vefe ret e rank pep hini derc'hel anezho bepred warnañ (i) pe neuze fiziout anezho e burev ar C'Has En-Dro.

An aferioù kollet ha kavet a vez fiziet e burev ar C'Has En-Dro, d'ar bennkasourien(ezed).

Difennet groñs eo lesker kement sac'h da stlejañ en trepazioù pe en diri pe e-kichen ar sal drebiñ hag en un doare boutin e kement lec'h ha n'eo ket gouestlet d'an dra-se : Estajerennoù a zo ha kombodoù staliet a-ratozh kaer evit-se. Serriñ ar c'hombodoù-se ha prenañ anezho gant ur grabotinell a zo un dra ret ha kiriek eo pep lisead(ez) eus (h)e gombod.

2.3.7

Laeroñsi

Laerezh a zo un dra dic'houzañvus hag al laeron a rank rentañ kont eus o ober dirak al Lezenn. Evit kement laeroñsi a c'hellfe bezañ e ranker kelaouiñ ar C'Has En-Dro.

2.3.8

Lizhiri ha pakadoù-post

Kement pakad oc'h en em gavout el Lise, war anv ul lisead(ez), a rank bezañ digoret gant an hini a resev anezhañ dirak ur (b)pennkasour(ez).

Tu a zo da resev lizhiri el Lise. Arabat ankounac'haat goulenn digant an hini o kas al lizher lakaat e anv ha lakaat anat anv, anv bihan ha klas al lisead(ez) a zo d'e resev.

3 Gwirioù ha redioù al liseidi ha liseadezed

3.

1 Gwir da lavared

Ar gwir-se a zo dioutañ dre hanterouriezh an dileuridi. Doujañ a ra da ziazezoù al laikelezh, al liesegezh hag an neptuegezh.

3.1.1 Skritellañ

Pannelloù a zo el Lise a zo gouestlet d'an dra-se. Outo hag outo hepken ez eus tu da skritellañ. Ar pezh a vez skritellet a dle doujañ d'al lezenn ha da wirioù diazez an dud. Sinet int gant ar re a sav anezho ha gwiriekaet en a-raok gant ar C'Has En-Dro ha/pe ar Renerezh.

3.1.2 Gwir embann

Aotre a zo da skignañ embannadurioù savet gant al Liseidi hag al Liseadzed el Lise, goude asant ar Renerezh. La diffusion des publications rédigées par les lycéens est admise dans l'établissement, avec l'accord du chef d'établissement. Ne vo ket aotreet ar re a lako gwall vrud war unan bennak, pe a zizoujfe da wirioù an dud all.

Diouzh an ezhomm, ar Renerezh a c'hell mirout ne vefent skignet.

3.1.3 Gwir d'en em vodañ

An dileuridi o deus ur perzh diazez evit lakaat er pleustr ar gwir d'en em vodañ.

Emvodoù a c'hell bezañ aozet gant ma sellont ouzh an interest hollek ha gant ma talvezont da gelaouiñ al Liseidi hag al Liseadzed.

Kement goulenn aozañ un emvod a rank bezañ kinniget d'ar bennkasourien(ezed) ha/pe d'ar Renerezh, ur sizhunvezh d'an nebeutañ a-raok an devezh raktreset, en ur resisaat piv a zo e karg, ar roll-labour, hag an eurioù.

Bez e c'hell ar Renerezh nac'h e vefe dalc'het un emvod el Lise.

3.1.4 Gwir d'en em gevrediñ

Al Liseidi hag al Liseadzed en oad pe ar re a zo ouzhpenn 16 vloaz, gant aotre o c'herent, a c'hell sevel kevredigezhioù (hervez lezenn ar 1añ a viz Gouere 1901).

Ar c'hevredigezhioù-se a c'hell kaout o chomlec'h ofisiel el Lise, gant m'o defe evit pal obererezhioù a sellfe ouzh al Lise.

O mont en-dro el Lise a zo aotreet gant Kuzul-Merañ al Lise, gant ma vo o oberiantizoù dellezek ouzh diazezoù Lise Diwan.

Ar Renerezh a c'hell pa gar goulenn kontoù diganto ha gwiriekaat e chom par o oberiantiz ouzh ar pal o doa hervez o statutoù.

3.1.5 Manifestadegoù al Liseidi(adezed)

Kemer perzh e manifestadegoù skoazell pe emsavioù diskleriet war live ar Stad :

- Kinnig ur rakskrid hag ul lizher emc'houestl evit ar vanifestadeg
- Aotre dre skrid ar gerent evit pep lisead(ez) dindan an oad. Ne vo degemeret aotre ebet war-lerc'h ar vanifestadeg.
- Listenn al Liseidi(adezed) o kemer perzh gant sinadur pep hini anezho.
- An dielloù-se a vo roet d'ar Renerezh gant dileuridi ar c'hlasoù er C'Huzul-Lise, derc'hent an devezh raktreset evit ar vanifestadeg evit ma sklaeraet an eurioù mont ha dont en-dro..
- Al Liseidi(adezed) a gemer perzh er manifestadegoù-se a rank adapout ar prouadoù raktreset en devezh-se.

En em engouestlañ a ra pep Lisead(ez) da gemer perzh e kement kentel a zo war (h)e implij-amzer ha da ober kement proud a vez roet gant ar gelennerien(ezed).

3.2.2 Doujañs d'ar re all ha d'an en dro

Kement diouer a zoujañs, kement feulster, emzalc'h dizoujus, jestroù dizereat, kement atahinerezh, heskinadenn, emzalc'hioù pe komzoù ordous, gouennelour, pe reizhelour a zo kastizet hervez al lezenn.

Kement ha kaout bri outo o-unan, al liseidi(adezed) a rank kaout doujañs d'al lec'hioù hag an dafar (taolioù, kadorioù, urzhiataerezhioù..) a zo ouzh o c'herz. Pa vefent torret pe louzet a-ratozh-kaer, e vefe kastiz ha digoll evit an droug graet.

Al lisead(ez) pe (h)e (z)dud hervez lezenn a zo kiriek e-keñver arc'hant hag a c'hell ouzhpenn bezañ tamallet.

3.2.3 Redi da vezañ nann-feuls

Ar feulster, pe vije a-gorf pe dre gomz, ne c'hell e mod ebet bezañ gouzañvet e diabarzh al Lise pe war e dro. Kement feulster, kastizet en diabarzh hervez reolennoù al Lise, a c'hell ouzhpenn, diouzh ma vo, bezañ barnet gant ul lez-varn.

Ur redi eo evit ar Renerezh da gregiñ raktal gant doareoù reoliañ pa :

- c'hoarvezfe d'ul lisead(ez) bezañ feuls dre gomz gant un implijad(ez) el Lise
- c'hoarvezfe d'ul lisead(ez) ober un dra bennak drouk ha grevus e-keñver un implijad(ez) pe ul lisead(ez) all (feulster a-gorf pe dre gomz, gwallvrud,...)
- c'hoarvezfe d'ul lisead(ez) bezañ feuls a-gorf e-keñver unan bennak o labourat el Lise (ha pa vije implijad(ez) an aozadur merañ). Ur C'Huzul Reoliañ a vefe bodet evit seurt degouezh hag ar servijoù justis a c'hellfe bezañ galvet.

4 Reizh lezenn

Evit kement diouer a zoujañs da reolennoù ar Reolennaoueg-mañ, ar C'Has En-Dro en deus da ober gant punisionoù (pinijennoù?) ha kastizoù.

Diouzh an diazezoù hollek embannet er raklavar, e vezont lakaet er pleustr gant ur pal deskiñ hag en un doare pedagogel.

Evit ma komprenfe aesoc'h al lisead(ez) an droug (he)en deus graet hag evit ma ansavfe an diouer a zoujañs d'ar reolennoù a zo e kont e vo displeget dezhañ (i) eus pelec'h e teu ar *punision* pe ar c'hastiz. Ar gwir (he)en deus d'en em zisplegañ, e-unan pe gant unan bennak all (dileuriad(ez) pe get).

Ar *punisionoù* a c'hell bezañ lakaet gant kement den gour a zo el Lise : ar Renerezh, ar C'Has En-Dro, ar gelennerien(ezed), an implijidi (adezed) all.

N'eus ken nemet ar Renerezh (pe ar bennkasourien(ezed) war aotre ar Renerez) pe ar C'Huzul Reoliañ a c'hell lakaat kastizoù.

Ar *punisionoù* hag ar c'hastizoù a dle doujañ d'al liseidi(adezed) evel tud. Difennet eo kement stumm a feulster a-gorf pe dre gomz, kement emzalc'h mezhekaus, hegus pe dic'hradus. Ar *punisionoù* deuet diwar an emzalc'h a vez dispartiet diouzh priziañ al labour personnel. N'heller ket izelaat notenn ur proud war zigarez an emzalc'h pe war zigarez un ezvezañs diabeg.

4.

1 Listenn ar pinijennoù hag ar c'hastizoù

4.1.1 Listenn ar pinijennoù

Bez e c'hell bezañ :

- ul lizher berz
- deverioù ouzhpenn
- dalc'hoù-kastiz gant ul labour da ober. An dalc'h-kastiz a vez graet diouzh ar merc'her abardaez etre 3e30 ha 6e30 gm. Bez e c'hell bezañ anezho adal 1e betek 4e diouzh grevusted an emzalc'h. Ar gerent pe an dud e-karg a vo kelaouet dre sms ha dre renabl hanter drimiziek
- rask ar binvioù hag an dafar ne 'z eus ket da gaout diouto el Lise.
- labourioù a interest hollek, labourioù kempenn en o zouesk da skouer

4.1.2 Listenn ar c'hastizoù

Bez e c'hell bezañ:

- ul lizher berz dre skrid, kaset d'ar familh ha dalc'het e doser al lisead(ez).
- ul lizher brall, en ennañ un azgalv da zoujañ groñs d'ar reolennoù, kaset d'al lisead(ez) gant ar Renerezh en ur gelaouiñ ar gerent pe an dud e-karg, hag a c'hell bezañ stag ouzh ur goulenn bezañ ambrouget evit gwellaat an emzalc'h.
- ur muzul kiriekaat hag a c'hell bezañ ul labour a genskoazell pe un oberenn sevenadurel e-diabarzh pe er-maez al Lise.
- ur muzul skarzhañ kerkent da virout ne vije gwashaet stad an traoù.
- ur muzul skarzhañ evit ur mare eus al Lise pe eus unan eus e servijoù, hag a c'hell padout betek 8 devezh peurvuañ (ur miz d'an hirrañ-tout), gant pe hep goursez.
- ur muzul skarzhañ da vat eus al Lise, gant pe hep goursez.

E ken kaz e c'hoarvezfe d'ul lisead(ez) bezañ skarzhet evit ur prantad, hag evit na vefe torret al liamm gant ar skoliata, al lisead(ez) a rank klask kaout ar c'hentelioù c'hwitet hag ober al labourioù a vo goulennet digantañ (i). Kemer a ra perzh er prouadoù ha deverioù raktreset el Lise gant ar gelennerien.

Goude dezhañ(i) bezañ bet skarzhet, al lisead(ez) hag (he)e gerent pe an dud e-karg anezhañ(i) a za e darempred gant ar skipailh evit ma vefe gwelet diouzh an ezhomme, penaos aesaat (he)e dont en-dro d'al Lise.

An holl gastizoù-se a c'hell bezañ gant pe hep goursez.

4.1.3 Skarzhet eus ur gentel

Al lisead(ez) skarzhet eus ur gentel a rank mont kerkent betek burev ar bennkasourien(ezed) gant ul labour da ober. Ambrouget eo betek eno gant dileuriad(ez) ar c'hlas. Hemañ pe houmañ (he)en devo ur baperenn testeni o lavaret ez eo kemeret al lisead(ez) e-karg gant ar C'Has En-Dro. Reiñ a raio anezhi d'ar (g)c'helenner(ez) hag a raio warni renabl ar fedoù tamallet hag an danevell-se a vo kaset en-dro d'ar bennkasourien(ezed). Ur muzul dreistordinal e rank chom ar fed skarzhañ ul lisead(ez) eus ur gentel bennak. Un eilskrid eus an danevell a vo kaset d'ar familh pe d'ar re e-karg, ha war ziazez an danevell-se e vo kemeret an diviz da binijennañ pe da gastizañ. Ma ne 'z eus danevell ebet, e chomo a-sav an afer.

4.1.4 Doareoù kalonekaat

Gourc'hemennoù a c'heller lakaat war g-kannadig an notennoù, evit reiñ da anaout, en tu all d'an disoc'hoù skol : ar siriusted, an aked hag an emc'houestl, preder an nesañ ha dre-vras an emzalc'h a-feson. War g-kannadig ar C'Has En-Dro e vez graet memes doare.

4.2 Doareoù all da ambrougiñ

4.2.1 Ar C'Huzul Kuzuliañ ledanaet

Bodet e vez ar C'Huzul Kuzuliañ Ledanaet, pe war-eeun pe goude ur C'Huzul Kelaouiñ ma n'eo ket aet an emzalc'h war wellaat, dre lizher-galv ar Renerezh, evit liseidi(adezed) ganto un emzalc'h dizoujus da reolennoù al Lise pe dic'houestl da gas da benn o mennadoù a-fet o skoliata (aked, labour,...) ha bepred gant un displegadenn pe un danevell a-berzh an hini a c'houlenn ma vefe bodet ar C'Huzul.

A zo lod anezhañ :

➤ 2 zileuriad (ez eus ar gerent dilennet er C'Huzul-Lise
___ ar (b)penngelenner(ez)

— ur (b)pennkasour(ez)

— Ha kement hini a vije gouest da reiñ elfennoù preder a-zivout emzalc'h al lisead(ez)

4.2.2 Renabl ar c'hastizoù

Ur renabl a vez savet bep bloaz eus ar pinijennoù ha kastizoù. Ennañ e kaver ar fedoù, ar penaoz hag ar petailh ha live ar muzulioù kemeret e-keñver al liseidi(adezed). Ar renabl-se a vez graet evit kelaouiñ skipailhoù al Lise hag evit sikour izili ar C'Huzulioù, dezho da gemer divizoù kempoell e-keñver pinijennoù pe kastizoù.

4.2.3 Doser melestradurel al lisead (ez)

Kement kastiz a vez roud anezhañ e doser melestradurel al lisead(ez). An doser-se a c'hell bezañ sellet outañ gant al lisead(ez) pe (he)e (z)dud, pe ar re e-karg anezhañ(i) m'emañ dindan an oad. Pa ne vez ar c'hastizoù da skarzhañ da vat (gant pe hep goursez) divizet gant ur C'Huzul Reoliañ, kement kastiz all a vo lammet kuit eus an doser e fin ar bloavezh-skol.

4.3 Bodad ha doareoù ar reizh Lezenn

4.3.1 Ar Rener.ez

Ar Rener(ez) eo a ziviz hag-eñ e ranker pe get lakaat ul lisead(ez) dirak ur C'Huzul Reoliañ. Bez e c'hell ivez dioutañ (i) (hec'h)e-unan divizout kas ul lizher berz pe skarzhañ evit ur mare (betek 8 devezh) eus al Lise pe eus ur servij eus al Lise (bod ha/pe boued) zoken. Bez e c'hell ivez kas ul lizher brall ha lakaat da dalvezout muzulioù diarbenniñ, digoll pe dresañ ha muzulioù ambrougañ raktreset.

Ar Rener a c'hell dileuriañ d'ar bennkasourien(adezed) (h)e (c'h)galloud da lakaat er pleustr ar c'hastizoù raktreset pa vez paket ul lisead(ez) gant alkohol pe dramm pe oc'h implij alkohol pe dramm pe gant binvioù d'en em vezviañ pe d'en em zrammañ el Lise . Ar bennkasourien(ezed) a c'hell eta , evit abegoù a-seurt-se, skarzhañ al liseidi(adezed) raktal evit ur sizhunvezh. Ur C'Huzul Kuzuliañ Ledanaet a vije bodet goude-se evit kendivizout war ar pezh a zo c'hoarvezet. Ma vefe an eil tro e-pad ar bloavezh, pe ma c'hoarvezfe e-pad ur prantad e-lec'h ma vije bev atav ur goursez evit ur c'hastiz bet divizet a-raok, e vefe bodet d'ar poent-se ur C'Huzul Reoliañ (da virout ne c'hoarvezfe ket ken ha da vat)

4.3.2 Ar C'Huzul Reoliañ

Ar C'Huzul-Reoliañ a zo ennañ : Ar Rener(ez) (prezidant(ez)) hag an eil-rener(ez), un (b)pennkasour(ez) anvet gant ar C'Huzul-Merañ diwar ginnig ar Rener(ez) (Sekretour(ez)), tri(teir) dileuriad(ez) eus an implijidi(adezed), dilennet, daou pe div anezho evit ar (g)c'helennerien(ezed) hag unan evit ar C'Has En-Dro, daou pe ziv dileuriad(ez) ar gerent ha tri pe deir dileuriad(ez) al liseidi(adezed), dilennet er C'Huzul-Lise.

Ar C'Huzul-Reoliañ a c'hell reiñ ar gaoz da gement den en dije traoù da lavaret evit sklaeraat ar fedoù tamallet, ha da (b)penngelenner(ez) ar c'hlas e-lec'h m'emañ al lisead(ez).

Ar C'Huzul-Reoliañ eo an hini nemetañ hag a c'hell, diwar zanevell ar Rener(ez), divizout skarzhañ evit ur mare hirroc'h evit 8 devezh (met evit ur mare d'ar poent-se dindan miz d'an hirrañ-tout) pe divizout skarzhañ da vat. Bez e c'hell ivez divizout eus kement kastiz raktreset er Reolennaoueg ha gourc'hemenn kement muzul diarbenniñ, digoll pe dresañ en-dro pe ambrougañ, raktreset er Reolennaoueg. E zisentezioù a zo divac'hagn gant m'eo bet tizhet ar c'horum evit votiñ. (>=7 ezel)

4.3.3 An doare da sevel galv

Ar c'hastizoù skarzhañ eus al Lise, en tu all da 8 devezh, a c'hell al lisead(ez) m'emañ en oad pe (he)e (z)dud, pe ar Rener(ez), sevel galv outo, dindan 8 devezh goude m'int bet kemennet, dirak Rektor(ez) an Akademiezh.

4.3.4 Disklib etre reizh lezenn diabarzh ha doareoù ar justis diavaez

Reizh Lezennoù diabarzh ha doareoù ar justis diavaez a zo dizalc'h an eil re diouzh ar re all. Bez e c'hell eta ul lisead(ez) bezañ kastizet el Lise hep gortoz disoc'h doareoù ar justis en diavaez, adal ar poent m'eo sklaer ar fedoù hag anat piv (he)en deus graet an torfed.

5 Darempred gant ar familhoù

Ar c'hendiviz hag ar c'heneskemm etre skipailh al Lise hag ar gerent pe an dud e-karg a zo diazez ha n'heller ket dioueriñ anezhañ evit ma teufe da vat ar skoliata. Ar benngelennerien(ezed) eo a zo e penn-araok ar c'hendivizoù-se.

En Eilvet Klas e vez aozet emvodoù etre kelennerien ha kerent pe tud e-karg :

- an hini kentañ , e miz Gwengolo, evit kinnig ar c'hentelioù en eil Klas hag ar pezh a c'hortoz pep kelenner(ez) en (he)e (c'h)gentelioù.
- an eil, e-doug miz Kerzu, pa vez roet kannadig notennoù an trimiziad kentañ (emvod tric'horn)

E Kentañ Klas hag e Klas Termen e vez aozet emvodoù etre kelennerien ha kerent pe tud e-karg war an hevelep mod:

- an hini kentañ , e miz Gwengolo, evit kinnig ar c'hentelioù hag ar pezh a c'hortoz pep kelenner(ez) en (he)e (c'h)gentelioù.
- an eil, e-doug miz Kerzu, pa vez roet kannadig notennoù an trimiziad kentañ goude Kuzulioù Klas an trimiziad kentañ (emvod tric'horn)

Bep hanter drimiziad, e vez kaset d'ar familhoù pe d'an dud e-karg, ur roll eus an notennoù bet hag un danevell

a-berzh ar C'Has En-Dro.

En tu all d'an emvodoù-se, pep familh a c'hell, pa gar ha diwar goulenn emgav, kaout un darempred hiniennel gant ar (b)penngelenner(ez) pe kement ezel eus ar skipailh pedagogel (kelennerien(ezed) pe pennkasourien(ezed)). Bez e c'hell evit-se kaout darempred gant al Lise pe dre bellgomz pe dre lizher pe dre internet..

Evit ma vo aesaet ar c'heneskemm, koulz war an disoc'hoù ha war al labour-skol gant ar familhoù pe an dud e-karg, ar gelennerien(ezed) a zo pedet da zerc'hel e ratre o c'hannadig notennoù hag o frogramoù war ar benveg elektronik en linenn.

Ar e a zo e-karg al Liseidi (adezed) a vez kelaouet eus kement ezvezañs diabeteg a vije gant o mab pe o merc'h dre SMS, pellgomz pe lizher kerkent ha pa c'hoarvezfe hag an deiz war-lerc'h d'an diwezatañ.

Ur renabl eus an ezvezañsoù diabeteg, eus an daleoù, eus ar pinijennoù/kastizoù a vez kaset d'ar familh pe d'ar re e-karg gant kannadig an notennoù bep trimiziad ha bep hanter-drimiziad.

6 Degouezhoù dibar

Ar reolennoeg diabarzh a zo da vezañ doujet dezhañ en hevelep doare pa vefe en oad pe get al Liseidi(adezed).

6.1 Ma c'hoarvez tra pe dra en diavaez d'al Lise

Tro-war-dro al Lise ez eo an archerien ha maer ar Gumun hag a zo atebek. Daoust d'an dra-se, kement ezel eus skipailh al Lise hag a vije test eus darvoudoù iskis pe dizordinal hag ar c'hoarvezfe war-dro al Lise a rank kerkent kelaouiñ pe ar Sekretourva pe ar Renerezh pe servij ar C'Has En-Dro. Ar Rener(ez) pe (he)e (z)ileuridi a gemer neuze an divizoù rekis da lakaat an holl e surentez e diabarzh al Lise.

6.2 Ma c'hoarvez e teufe tud diavaez d'al Lise

E ken kaz e vefe test ul Lisead(ez) pe un implijad(ez) eus al Lise eus un ostant bennak el Lise e rank kerkent kelaouiñ pe ar Rener(ez) pe ar bennkasourien(ezed).

A zo ostant el Lise, kement den diavaez da gumuniezh al Liseidi(adezed), implijidi(adezed) ar bloavezh-skol, hag a zeu e diabarzh al Lise hep bezañ bet en em ginniget hag/pe hep bezañ bet pedet pe aotreet.

Evit kement ostant a vefe gwelet e vez kelaouet an archerien.

An diabarzhidi hag a zeu d'al Lise gant o c'harr-tan a rank lesker o alc'hwezhoù e burev ar C'Has En-Dro kerkent ha degouezhet.

Ar c'harr-tan a rank bezañ parket e-tal ar savadur 1 - kouskva ar baotred - eus al Lun betek ar Gwener. Ne 'z eus ket tu da implij ar c'harr-tan e-pad ar sizhun, nemet aotre a vefe digant ar bennkasourien(ezed).

Kement diabarzhad, perc'henn war ur c'harr-tan, gantañ el Lise, ha na zoujfe ket d'ar reolennoù-se, a c'hellfe bezañ skarzhet da vat diouzh kouskva al Lise.